

Na temelju članka 141. Statuta Visoke škole „Centar za poslovne studije“ Kiseljak, Senat Visoke škole na 3. sjednici održanoj dana 30.09.2010. godine, donosi

## **PRAVILNIK O FORMIRANJU ECTS BODOVA**

### **I OPĆE ODREDBE**

#### **Članak 1.**

Ovim Pravilnikom uređuje se sistem formiranja ECTS studijskih bodova na Visokoj školi „Centar za poslovne studije“ Kiseljak za I ciklus studija.

### **II ECTS BODOVI**

#### **Članak 2.**

ECTS studijski bodovi su numeričke vrijednosti utvrđene za predmete predviđene Nastavnim planovima i programima koji se realiziraju na Visokoj školi „Centar za poslovne studije“ Kiseljak.

ECTS studijski bodovi odražavaju kvantitativnu količinu rada potrebnu za uspješno završavanje svakog pojedinačnog predmeta, u odnosu na ukupni kvantitativno izraženi rad potreban da bi se kompletirala puna akademska godina studija.

#### **Članak 3.**

Procjena uloženog rada obuhvata mjerenja prisustva studenta na nastavi, praktičnom radu, parcijalnim testovima, vježbama i laboratorijskim vježbama, izradi seminarskih radova, usmenim odbranama rada, aktivnosti na nastavi, vannastavnim aktivnostima, projektima, individualnom učenju, istraživanjima, završnim ispitima, popravnim ispitima, radionicama, simulacijama i drugim oblicima nastavnih aktivnosti.

Ukupan broj ECTS studijskih bodova utvrđenih za pojedini predmet zavisi od vrste i karaktera predmeta, stepena apstrakcije predmeta i ukupnog radnog opterećenja predviđenog nastavnim planom i programom, a neophodnog da bi se uspješno završio navedeni program i procijenila uspješnost studenta u savladavanju tog programa.

#### **Članak 4.**

ECTS bodovi se izražavaju cjelobrojnim vrijednostima. Osnovni element za utvrđivanje (struktuiranje) ECTS studijskih bodova je akademska godina (akademski kalendar).

**Određivanje ECTS studijskih bodova za jedan nastavni predmet vrši se na sljedeći način:**

1. Određivanje se vrši po formuli:

$$\frac{X}{30} = \frac{Y}{900}$$

gdje je:

X – broj bodova koji pripada jednom kolegiju/predmetu,

30 – ukupan broj ECTS bodova za jedan semestar, i

Y – broj radnih sati koje student provede na nastavi iz tog predmeta pripremajući se za razne nastavne oblike, pišući referate, učestvujući na vježbama i polažući ispite.

Broj sedmica nastavnog procesa u toku jednog semestra predstavlja zbir sedmica nastave, ispitnih rokova i praznika ili neradnih dana. Taj broj je određen kalendarom aktivnosti organizacije i realizacije nastave na Visokoj školi „Centar za poslovne studije“ Kiseljak. Od studenta se očekuje da studiranju pristupe do maksimalnih 40 sati sedmično.

## 2. Radno opterećenje studenta

Radno opterećenje studenta mjeri se na osnovu studijskog boda s obzirom na vrijeme koje je potrebno za završavanje jedinice studijskog programa odnosno ostvarivanje ishoda učenja. Da bi izračunali vrijednost jednog ECTS boda potrebno je ustanoviti:

- broj radnih sedmica u akademskoj godini;
- ukupan broj sati;
- ukupno ECTS bodova na godišnjem nivou.

Ukupno ECTS bodova na godišnjem nivou je broj ECTS bodova iz prvog semestra (30) i drugog semestra (30) što iznosi 60 ECTS bodova.

3. Vrijednost ECTS boda izražena u vremenu koje je potrebno za završavanje jedinice studijskog programa na Visokoj školi „Centar za poslovne studije“ Kiseljak iznosi:

$$1(ECTS) = \frac{45 \cdot 40}{60} = 30(sati)$$

Ukupno radno opterećenje studenta izraženo je u broju sati rada koje student potroši za savladavanje tog predmeta, odnosno ostvarivanje ishoda učenja. Ukupno radno opterećenje studenta za jedna predmet može obuhvatiti sljedeće vrste opterećenja:

1. Predavanje – direktna nastava,
2. Predavanje – zajedničke vježbe,
3. Grupni rad (prezentacije, diskusija, odbrana),
4. Samostalno učenje obavezne literature,
5. Konsultacije za dodatnu literaturu,
6. Izrada seminarskog rada,
7. Prezentacije i odbrana seminarskog rada,
8. Interaktivnost – kritična ocjena drugih seminarskih radova (proučavanje drugih seminarskih radova)
9. Izrada, prezentacija i odbrana teme,
10. Izrada i odbrana studija slučaja,
11. Priprema za testove (kolkvije, završne ispite, popravne ispite), i
12. Istraživanje izvora.



#### **Članak 5.**

Utvrđeni ECTS bodovi predstavljaju sastavni dio Nastavnog plana i programa i usvajaju se u okviru istog.

#### **Članak 6.**

Za buduću reviziju ECTS bodovanja je odgovoran ECTS koordinator zajedno sa voditeljima kolegija. Prethodno navedeni direktno odgovaraju direktoru visokoškolske ustanove.

### **III ZAVRŠNE ODREDBE**

#### **Članak 7.**

Sve organizacione jedinice dužne su uskladiti svoje Nastavne planove i programe sa odredbama ovog Pravilnika u roku od 30 dana od dana donošenja istog.

#### **Članak 8.**

Ovaj Pravilnik je usvojen na sjednici Senata Visoke škole „Centar za poslovne studije“ Kiseljak, održanoj 30.09.2010. i stupa na snagu danom donošenja.

Broj: 69-4/10  
Kiseljak, 30.09.2010. godine

Visoka škola  
Predsjednik senata  
mr. sc. Nebojša Zdravković  
Centar za poslovne studije

